



Na osnovu člana 9. i 25. Zakona o Agenciji za bankarstvo Federacije Bosne i Hercegovine ("Službene novine Federacije BiH", br. 9/96, 27/98, 20/00, 45/00, 58/02, 13/03, 19/03, 47/06, 59/06, 48/08, 34/12 i 77/12), člana 10, 11. stav 3., 19., 64. stav 1. i člana 95. Zakona o lizingu ("Službene novine Federacije BiH", br. 85/09, 39/09, 65/13 i 104/16) i člana 18. Statuta Agencije za bankarstvo Federacije BiH ("Službene novine Federacije BiH", broj: 42/04), Upravni odbor Agencije za bankarstvo Federacije Bosne i Hercegovine, na sjednici održanoj 24.07.2017. godine, donosi

**ODLUKU O IZMJENAMA I DOPUNAMA ODLUKE  
O USLOVIMA I POSTUPKU ZA IZDAVANJE I ODUZIMANJE SAGLASNOSTI  
LIZING DRUŠTVU**

**Član 1.**

U članu 1. alineja 1. odluke o uslovima i postupku za izdavanje i oduzimanje saglasnosti lizing društvu („Službene novine Federacije BiH“, br. 46/09 i 46/11) iza riječi "podružnica" dodaje se zarez. Ispred riječi "izbor" briše se riječ "i". Iza riječi "revizora" dodaje se "i saglasnost za obavljanje funkcije člana uprave lizing društva;".

**Član 2.**

Iza člana 31. dodaje se novo poglavlje "Va. SAGLASNOST ZA OBAVLJANJE FUNKCIJE ČLANA UPRAVE I POSTUPAK IMENOVANJA ČLANOVA NADZORNOG ODBORA LIZING DRUŠTVA".

Dodaju se novi članovi 31.a.,31.b.,31.c. i 31.d. kako slijedi:

**Član 31.a.**

- (1) Za člana uprave lizing društva može biti imenovano samo lice koje je od FBA dobilo prethodnu saglasnost za obavljanje funkcije člana uprave.
- (2) Zahtjev za izdavanje saglasnosti iz stava (1) ovog člana podnosi kandidat za člana uprave lizing društva, koji uz zahtjev prilaže dokumentaciju, kako se dalje navodi:
  1. odluka ili saglasnost organa nadležnog za imenovanje članova uprave, kojom se kandidat predlaže za člana uprave, na mandat koji ne može biti duži od četiri godine,;
  2. dokaz o visokoj školskoj spremi (najmanje 240 ECTS bodova) i drugim stručnim kvalifikacijama - ovjerena kopija diplome ne starija od 6 mjeseci,
  3. detaljna biografija – CV,
  4. ovjerena izjava (ili dokaz) da posjeduje odgovarajuće stručne kvalifikacije, sposobnost i iskustvo potrebno za vođenje poslova u lizing društvu, odnosno da posjeduje najmanje dvogodišnje iskustvo na poslovima lizinga ili najmanje trogodišnje iskustvo na poslovima u drugim finansijskim institucijama,
  5. ovjerena izjava da nije član uprave ili nadzornog odbora drugog lizing društva u Federaciji, niti je prokurista u nekom drugom pravnom licu,
  6. ovjerena izjava da nije bio član uprave ili nadzornog odbora društva nad kojim je pokrenut postupak stečaja u periodu od jedne godine prije uvođenja te mjere,
  7. ovjerena izjava da nad imovinom kandidata ne postoji upisan teret od strane nadležnog organa,

8. dokaz, odnosno evidencija nadležnih organa da li se protiv kandidata vodi krivični postupak ili je izrečena kazna, mjera ili prekršajna sankcija prema zakonima kojima se regulišu finansijske djelatnosti ili druge poslove u vezi sa njima, prevare ili finansijski kriminal, porezne obaveze i sl. i

9. ispunjava ostale uslove za člana uprave u skladu sa Zakonom o privrednim društvima.

- (3) Prilikom procjene kandidata, FBA će posebno cijeniti da li je kandidat imao iskustvo na rukovodnim mjestima u finansijskim institucijama ili drugim pravnim subjektima, vodeći računa o dužini trajanja istog i složenosti poslova koje je kandidat obavljao na prethodnim rukovodnim mjestima.
- (4) Ukoliko kandidat obavlja dužnost člana uprave u drugom pravnom licu registrovanom van teritorije Federacije BiH, FBA će u navedenom slučaju posebno cijeniti u kojoj mjeri je kandidat u mogućnosti izvršavati dužnosti i odgovornosti na adekvatan način, primjeren finansijskom stanju društva i profilu rizika kojem je u poslovanju izloženo.
- (5) Agencija će na osnovu dostavljene dokumentacije iz stava (2), (3) i (4) ovog člana i spoznaja do kojih dođe po službenoj dužnosti, procijeniti da li kandidat ima dobar ugled, odnosno zaključiti da li će odgovorno i savjesno obavljati poslove člana uprave lizing društva.

#### Član 31.b.

- (1) Zahtjev iz člana 31.a. ove odluke za novog člana uprave ili za člana uprave koji se ponovno predlaže, podnosi se najmanje tri mjeseca prije isteka mandata člana uprave.
- (2) Ako FBA članu uprave oduzme saglasnost za obavljanje funkcije ili član uprave prije isteka mandata prestane iz drugih razloga obavljati funkciju člana uprave, nadležni organ društva je dužan u roku od 90 dana od dana prestanka obavljanja funkcije člana uprave osigurati saglasnost FBA i imenovati novog člana.
- (3) Ukoliko je to predviđeno osnivačkim aktom ili statutom, društvo može bez prethodne saglasnosti FBA jednokratno imenovati člana nadzornog odbora za zamjenika člana uprave najduže na rok od tri mjeseca, ako je to nužno za poslovanje društva.
- (4) Za vrijeme trajanja zamjenskog člana uprave iz stava (3) ovog člana, suspendira se članstvo zamjenskog člana u nadzornom odboru društva.

#### Član 31.c.

- (1) Rješenje po zahtjevu za izdavanje saglasnosti iz člana 31.a. ove odluke, FBA će donijeti u roku od 30 dana od dana prijema potpunog zahtjeva.
- (2) FBA može Rješenjem o izdavanju saglasnosti objediniti postupak imenovanja člana uprave i slučajevne definirane odredbama člana 30c. stav (1) tačke c) i d) Zakona, odnosno:
  1. prestanak funkcije člana uprave lizing društva za slučaj redovnog isteka mandata na koji je izabran član uprave i
  2. prestanak radnog odnosa člana uprave sa lizing društvom na koje se saglasnost odnosi.
- (3) U slučajevima navedenim u stavu (2) ovog člana, FBA neće izdavati novo rješenje kojim se oduzima saglasnost za obavljanje člana uprave lizing društva.

### Član 31.d.

- (1) Lizing društvo je u obavezi da prilikom imenovanja ili ponovnog imenovanja člana nadzornog odbora o istom informiše FBA u roku od 30 dana od dana imenovanja, te da dostavi dokumentaciju kojom dokazuje da imenovani član nadzornog odbora ispunjava uslove definirane odredbama člana 24. i 25. Zakona o lizingu.
- (2) Dokumentacija koju lizing društvo dostavlja FBA u slučajevima navedenom u stavu (1) ovog člana se dostavlja u originalu ili ovjerenj kopiji i to:
  1. podatke o stručnim kvalifikacijama (diploma i ovjerena kopija) i radnom iskustvu (CV);
  2. izvod iz krivične evidencije (ne stariji od 30 dana od dana imenovanja),
  3. originalni primjerak ili ovjerena kopija radne dozvole (ovjera ne starija od 30 dana od dana imenovanja) u slučaju da je član nadzornog odbora stranac ili dokaz da je pokrenuta procedura za njeno izdavanje (ovjerena kopija zahtjeva i druge dokumentacije koja je predana uz zahtjev za izdavanje radne dozvole).
  4. ovjerenu izjavu (ne stariju od 30 dana od dana imenovanja) da član nadzornog odbora nema vlasnički interes u pravnom licu u kojem lizing društvo ima više od 5% vlasničkog interesa u njihovom osnovnom kapitalu;
  5. ovjerenu izjavu (ne stariju od 30 dana od dana imenovanja) da nije član nadzornog odbora ili uprave u drugom lizing društvu ili mikrokreditnoj organizaciji na području BiH;
  6. ovjerenu izjavu (ne stariju od 30 dana od dana imenovanja) da nije član nadzornog odbora ili član uprave banke koja nema više od 50% vlasništva u lizing društvu ili banke koja ne pripada istoj grupaciji kojoj pripada i lizing društvo;
  7. ovjerenu izjavu (ne stariju od 30 dana od dana imenovanja) da nije bio član uprave ili nadzornog odbora društva nad kojim je pokrenut stečaj u periodu od jedne godine prije uvođenja te mjere i
  8. drugu dokumentaciju za koju lizing društvo procjeni da je relevantna.
- (3) Ukoliko FBA uvidom u dostavljenu dokumentaciju konstatuje da imenovani član nadzornog odbora ne ispunjava propisane uslove, FBA će izdati rješenje kojim se nalaže razrješenje istog i imenovanje novog člana."

### Član 3.

Ova odluka stupa na snagu osmog dana od dana objavljivanja u "Službenim novinama Federacije BiH".

**Broj: U.O.-05-05/17**  
**Sarajevo, 24.07.2017.godine**

**Predsjednica**  
**Upravnog odbora**

**mr.sc. Ljerka Marić, dipl.ecc., s.r.**